

Dairi - Agape Bibèl - God's Love Letter Scriptures

Johanes 15:9 Kukekelengi ngo kènè bagè Bapa mengkekelengi Aku. Hot mo kènè mbagesen kelleng atèngKu i.

Jesaya 43:1,2 - Epesus 2:10 Nihanaken Dèbata ngo kita. Merkitè-kitè Jesus Kristus itempa nola ngo kita, asa siulaken simerandal sienggo idokken Dèbata kin siperangènkenta.

Jeremia 1:5 - Galatia 1:15 Tapi kumarna mendè basa Dèbata, Ipilih Dèbata ngo aku bang sinderrang madèng kin pè hana aku, janah idilo ngo aku lako menandai bak mengkebasiSa.

Johanes 15:16 Oda ngo kènè memilih Aku. Aku ngo milih kènè, janah mennuruh kènè, asa laus kènè merbuah -- asa ratraten buah ndènè, janah asa hot buah ndènè i. Nai iberrèken Bapa mo bai ndènè barang kadè sambing ipido kènè merkitè-kitè Aku.

3 Johanes 1:2 kusodipken ngo asa selloh karinana meradepken kono, janah njuah-njuah ma bagè sikubettoh dak selloh ngo bak tendimu.

Jesaya 43:4 - 1 Petrus 2:9,10 Tapi bangsa sinipilih ngo kènè, imam-imam naposo raja janah bangsa simbadia nipilih bai Dèbata, bak ummat Dèbata sendiri. Ipilih janah idiloi Dèbata ngo kènè karuar ibas sigellap i nai, lako mbengket mi bagesen kecihirennna sinterrang i, janah asa isukutken kènè berita tersèngèt sinibaingna simeheji i. 10 Ukum arnia oda ngo kènè ummat Dèbata, tapi ukum bagèndari enggo gabè ummatna. Arnia oda ngo dekket kènè menjalo masèh atè Dèbata, tapi ukum bagèndari enggo iakapi kènè masèh atèNa i.

Jeremia 31:3 - Epesus 1:4 Madèng kin pè ihanaken dunia èn, enggo kin ngo ipilih Dèbata kita asa gabè sada dekket Kristus janah mbadia, janah oda mertikas i hadeppenNa kumarna kelleng atèna.

2 Timoteus 1:9 Ipaluah janah idiloi Dèbata ngo kita asa gabè ummatNa. Ibaing pè bagidi oda ngo kemmulihken perulanta, tapi kemulihken masèh atèNa sendiri ngo. Iberrèken ngo masèh atèNa banta merkitè Kristus Jesus sinderrang madèng ihanaken dunia èn.

Johanes 3:16 Ai bagèen ngo ngkelleng atè Dèbata midah dunia èn, Iberrèken ngo AnakNa Sada-sada i, asa ulang mago gennep siperanya bai Anak idi, tapi asa kenggelluhen siamman sumendah bana.

Hosea 11:8; Jesaya 49:15,16; & Jesaya 41:13,14

Lukas 12:32 Ulang kènè mbiar alè pulungen sicutuk! Ai lemmo ngo atè Dèbata merrèken pasu-pasu bak PemerèntahenNa.

Mateus 28:20 Peddahi kènè mo kalak i, asa tunduk mi karina sienggo Kuperèntahken bai ndènè idi. Èngèt mo! Dak denganenKu ngo kènè soh mi ari perodi.

Johanes 14:1 "Ulang pella bonek atè ndènè," nina Jesus taba kalak i. "Percaya mo kènè taba Dèbata, janah percaya ma mo kènè taba Aku.

Psalm 23:1 - Johanes 10:11 Aku ngo permakan burju. Iberrèken permakan burju i ngo kessahna mengkepkep biri-birina.

Psalm 23:2 - Alamat 7:17 ai ipermakan Anak Biri-biri sikundul i tengah-tengah tahta i ngo kalak i. Itogiken ngo kalak i mi laè mul kenggelluh, janah iapusi Dèbata mo èluh i mata kalak i nai.

Psalm 23:3,4 - Lukas 1:79 Bagi ngo Iberrèken bindellaNa taba karinana singgelluh ibas kegellapen janah buradan. Iteggu ngo kita mi dalan kedamèen.

Psalm 23:5,6 - 2 Korintus 1:10 la ngo pelluahken kami ibas kemmatèen sintengam idi nai, janah kuharapken kami la ma ngo paluahken kami bang i ari podi pè.

Pilipi 4:7 Nai damè Dèbata sitermurmur ibas karina perukuren, imo menjamoti atè-atè dekket pikiren ndènè ibagasan Kristus Jesus.

Codiin 3:24 & Psalm 4:8 - Johanes 14:27 Damè ngo Kutadingken bai ndènè, imo damè silot bangku Kuberrèken bai ndènè. Oda ngo bagè niberrèken dunia èn ukum damè siKuberrèken i. Ulang kènè bulisah janah ulang mbiar.

Psalm 33:18 - 1 Petrus 3:12 Ai mendahi kalak simengulaken lemmo atè Dèbata ngo pennengenNa, janah dak idengkohken Dèbata ngo sodip kalak sibagidi; tapi ialo Tuhan i ngo kalak simahanken jahat.

Rom 5:2 Merkitè-kitèkensa dekket kemulihken kepercayaen idi gabè mbengket kita iembah mi bagasan mendè basa bak masèh atè Dèbata. Ibagasan naidi ngo kita nggelluh janah mergegoh bagèndari. Jadi lolo janah mersampang atè mo kita mengharap lako menjalo kesangapen Dèbata.

Jesaya 55:12 - Lukas 19:40 Ialoi Jesus mo, "Kudokken mo bai ndènè, mula sip kalak idi, gabè mersurak-surak mo batu ènda.

Johanes 16:22 Bagidi ma ngo bang kènè pè. Bagèndari bonek ngo kènè, tapi rebbak nola mo Aku dekket kènè, nai gabè sampang mo atè ndènè; janah isè poda ndorok mengerampasi sampang atè ndènè i bai ndènè nai.

Lukas 12:9 Tapi barang isè oda mengakui Aku i hadeppen sinterrem janah oda menandai Aku, ia pè oda ma mo iakkui Anak Jelma i hadeppen malaèkat Dèbata.

Mateus 10:30 Salang bilangen buk sini babo ntakal idi ibettoh ngo karina.

Jesaya 54:10 - Mateus 24:35 Salpun pè karinana langit dekket tanoh èn tapi ukum katangKi hot ngo soh mi amman-sumendah.

Mateus 11:28-30 "Roh mo kènè karinana mendahi Aku kènè sienggo leja janah botongen asa Kupesennang kènè. 29 Uèi kènè mo Aku janah guruken kènè mo bangku nai, ai melamlam janah ncerrep merukur ngo Aku, asa dapetten kesennangen Tendi ndènè. 30 Ai maing sennang ngo perèntah-perèntahKu janah menahang ngo siKu pepersanken bai ndènè."

Salomo 2:10 & Hosea 2:14,19,20

2 Korintus 11:2 Nteddoh kalohoong ngo aku midah kènè, bagè Dèbata sendiri pè nteddoh midah kènè. Codi ngo kènè bagè simerbau tertatakken rambu-rambu dèng, sienggo kuuèken kabin ia mi sada kalak sinibalèna, imo Kristus.

Exodus 3:14 - Heber 13:8 Ukum Jesus Kristus i, bagi arnia, bagèndari, bagi ma ngo soh amman sumendah.

Hosea 13:4 - Ulaan Apostèl 4:12 Pellin merkitè Jesus ngo kessa maluah jelma. Kerna sada kalak poda lot jelma i suberri dunia èn, barang merkitè gerar isè pè sienggo menjalo kuasa bai Dèbata nai lako paluahken kita.

Johanes 15:14 Mula iulaken kènè siKudokken, denganKu janah supansonKu mo kènè.

Johanes 14:6 Ialoi Jesus mo, "Aku ngo dalan lako menandai Dèbata, dekket dalan asa terolih kenggelluhun. Sada poda ndorok soh mendahi Bapa, ukum mak merkitè-kitè Aku.

Alamat 3:20 Tengen mo! Cènder ngo Aku i lebbè pèntu i ninganna menuktuki. Barang isè mendengkoh sorangKu janah memmuka pèntu i, mbengket mo Aku mendapetkensa janah rebbak mangan mo Aku dekketsa, janah ia rebbak dekket Aku.